



Inatsisartuni ilaasortaq Anthon Frederiksen,
Partii Naleraq

**Namminersorlutik Oqartussat inissiaataanni attartortittakkani akiitsullit
attartortullu anisitaasartut pillugit apeqquteqaammut akissut**

Brevdato: 12-10-2015
Sags nr.2015-11114
Dok. nr. 1274554

Asasara Anthon Frederiksen,

Namminersorlutik Oqartussat inissiaataanni attartortittakkani akiitsullit aatartortullu
anisitaasartut pillugit apeqqutinut nassiussannut qujanaq. Matuma kinguliani apeqqutitit
issuarneqarput, akissutitaannik malitseqartinneqarlutik.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

**1. Maannakkorpiaq pisortat inissiaataanniit inuit ilaqutariillu qanoq
amerlatigisut inigisaminniit anisitaasimappat?**

AKISSUT: A/S Inissiaatileqatigiiffik INI-mit ilisimatitsissutigineqarpoq, 1.1.2015-
imiit 31.08.15-imut anisitsinissamik piumasaqaatit 907-it politiinut
nassiunneqarsimasut, taakkunangalu 189-it politiiit anisinneqarnissamik
utaqqisut.

**2. H Inuit qulaani taaneqartut inigisaminniit anisitaasussatut
nalunaarsorneqarsimasut qanoq amerlatigippat?**

AKISSUT: A/S Inissiaatileqatigiiffik INI-mit ilisimatitsissutigineqarpoq, 31. august
2015-imi politiinut anisitsinissamik piumasaqaatit 382-it uninngasuutigineqartut,
taakkunangalu 2015-imi 189-it ilaatinneqarput.

**3. A/S INI ineqarnermut akiliisitsisarnissamut periusissaa nutaaq
Naalakkersuisuniit qanoq malinnaaffigineqarpat?**

AKISSUT: A/S Inissiaatileqatigiiffik INI pisortat inissiaataanni attartortittakkani
akiligassat annertussusaata ineriartornera pillugu ingerlaavartumik
Ineqarnermut, Sanaartornermut Attaveqaqatigiinnermullu ilisimatitsisarpoq.
Taamaattumillu aamma PBS-imut aqqissuussineq pingitsoorani
atorneqartussaq pillugu aalajangiinerup, 1. oktober 2015-imi atuutsinneqalersup
sunniutai pillugit ilisimatinneqartartussaavoq. PBS-imut aqqissuussineq 2011-
mili periarfissaalerpoq, maannarpiarlu attartortut 40%-iisa missaannit
atorneqarpoq. Attartortunut PBS-imik atuinissamut periarfissaqanngitsunut
akilersuisarnermut periarfissanik allanik atuutsitsisoqarpoq.

**4. Apeqqut 3-imi inigisamut akiliisarnissamut periusissaq iluatsissangippat
Naalakkersuisut suut pilersaarutitut A-tut B-tullu pilersaarutigaat?**

AKISSUT: Pisortat inissiaataasa aqqissuussaaneranni ineqarnermut akiliutinit
isertitat aningaasartuutissatut missingersuutitut naapertuuttussaapput.
Attartortut ineqarnermut akiliisimangippata, najugaqarfik inissianik

ingerlatsinermi aningaasartuutissanik pisariaqartinneqartunik akiliisinnaanngilaq. Aningaasat ilaatigut Nukissiorfinnut innaallagissamut, imermut kiassarermullu, viceværtinut, aputaajaanermut, iluarsaassinermit ingerlatsinernullu aningaasartuutitut allanut akiliutitut atorineqartussaapput. Tamatuma saniatigut piginnittup aningaasaatiminit iluanaarutissai, aqutsisup aqutsineranut akiliutissat kiisalu aserfallatsaaliinissamut illuartitassat akilerneqartussaapput. Taamaattumik inissiat sapinngisamik pitsaanerpaamik ingerlanneqarnissaat, taamaalillunilu qaammammut ineqarnermut akiliutit sapinngisamik appasinnissaat Naalakkersuisunit eqqumaffigineqartorujussuuvuq.

5. Pisortat inissiaataanniit anisitsisarneq Naalakkersuisunit ataavartumik malinnaaffigineqarpa?

AKISSUT: Aap. Pisortat inissiaataanni akiitsut akilinngitsuukkat amerlanerat anisitaasartullu amerlanerat Naalakkersuisunit eqqumaffigineqartorujussuuvuq isumakulunnartoqartinneqarlunilu. Inissiaq inoqutigiinnut tamarmiusunut sinaakkutaavooq, aammalu ilaqtariit najugassaqaarsinnaaneritut pingaaruteqarluni. Inissiamit najukkamit anisitaasarneq artukkiisorujussuusarpoq, aammalu tamanna najugaqarfinnut, akiitsunik akilinngitsuukkanik matussusiususanut, qaammatinilu pingasuni inisseeqqittusanut akisuujuvoq. Attartortut akilinngitsuukkaminnik akiitsoqartut najugaqarfiit aningaasaqarneranni amikkisaarnerujussuannik kinguneqartarput. Nammaqatigiinnissamik tunngaveqarnerup nassatarisaanik attartortut piffissaq eqqorlugu akiliisartut attartortut akiliisinnaassuseqanngitsut imaluunniit akiliinissamut piumassuseqanngitsut aningaasartuutinit akiligassaasa ilaannik akiliisarput.

Attartortup akiliinissamik nukingisaarutip aappaanik, taamaalillunilu anisitaanissamut aarlerisaarummik tigusinerani, attartortoq A/S Inissiaatileqatigiiffik INI-mi atuisunut siunnersortimit orninneqartarpoq. Tamatumani qaammatit 24-t tikillugit akilersuinissamut isumaqatigiissusiornissaq siunertarineqartarpoq.

Attartortoq taamatut isumaqatigiissusiornissamik kissaateqanngippat, attartortup anisitaanissaa piumasarineqartarpoq. Taamaalilluni attartortut, inatsisit atuuttut malillugit ikiorserneqarnissamut pisinaatitaaffeqartut ineqarnermut akiliinissamut ikiorserneqarnissaat, taamaalillutillu inissiamit anisitaanissamik pinngitsuuinissat siunertarineqarpoq. Aamma politit anisitsisinnaanermit piareersimaqqullugit attaveqarfigineqartarput.

6. Inuppasuit ilaqtariippasullu taama amerlatigisut inigisaminnit anisitaasimasut maannakkut sumi najugaqarpat qanorlu inuttut ingerlaqqeriarnerminni malinnaaffigineqarpat?

AKISSUT: Anisitsisoqarnerani qaammatini pingasuni siullerni najugaqarfik inisseeqqinnermut akiliisarpoq, piffissallu taassuma ingerlanerani anisitaasup qaammatit pingasut taakku qaangiunnerini inissaminik nassaareersimanissani isumagisussaavaa. Attartortoq anisitaasoq soorunami akiitsuminik

akilinngitsuukkaminik akileereernermini inissarsiortutut allatsinnissamut periarfissaqarpoq.

Tabelimi matuma kingulianiittumi anisitaasut illoqarfikkaarlugit amerlassusaat takutinneqarput.

	Januar	Februar	Marts	April	Maj	Juni	Juli	August	Nuna tamakkerlugu
Nanortalik	8	3	7	7	4	3	11	4	47
Qaqortoq	28	9	14	13	6	7	17	8	102
Narsaq	13	4	9	8	4	1	6	9	54
Paamiut	20	2	7	9	4	13	4	4	63
Nuuk	28	15	23	13	15	5	13	7	119
Tasiilaq	0	1	0	0	2	0	0	0	3
Ittoqqortoormiut	0	0	0	0	0	0	0	0	0
Maniitsaq	16	8	8	8	6	6	6	5	63
Sisimiut	31	6	14	15	8	9	12	6	101
Kangaatsiaq	3	3	1	5	1	1	3	1	18
Aasiaat	30	2	13	16	5	7	12	10	95
Qasigiannuit	7	5	4	6	2	3	11	1	39
Ilulissat	31	7	18	16	8	10	10	10	110
Qeqertarsuaq	4	1	2	2	0	1	1	0	11
Uummannaq	5	3	9	6	0	13	8	3	47
Upernavik	6	0	0	0	0	3	4	3	16
Qaanaaq	6	1	4	1	1	3	1	2	19
									907

Kiisalu apeqqut 7-imut akissut innersuussutigineqarpoq.

7. Ilaqtariit inigisaminniit anisitaasimasut katillugit qassinik meerartaqarpat ? – taakkulu qanoq ikiorniarneqarmat ?/ malinnaaffigineqarpat?

AKISSUT: Ullunik qulinik piffissaqartitsisoqarnerani anisitaasunit meeqqat qanoq amerlatigisut eqqorneqartarnersut pillugu paasissutissanik pissarsiarneq ajornarsimavoq. Tamatumani pisortat nalunaarsugaasa ataatsimut imminnut sanilliunnissaat pisariaqarpoq.

Kommunit inatsisit atuuttut naapertorlugit akilinngitsuukkaminik akiitsullit pillugit ilisimatinneqarnermini, ilaqtariit meerartallit meeqqallu pisinnaatitaaffiink atuuttunik qulakkeerisarsimassasut Naalakkersuisunit naatsorsuutigineqarpoq.

Inussiarnersumik inuulluaqqusillunga

Knud Kristiansen